

*BOSNA I HERCEGOVINA*

*FEDERACIJA BOSNE I HERCEGOVINE*

*SREDNJOBOSANSKI KANTON*

***OPĆINSKI SUD TRAVNIK***

*Broj: 51 0 St 222960 24 St*

*Travnik, 22.10.2024.godine*

*Općinski sud u Travniku, postupajući po stečajnom sucu Ivi Žabiću, po prijedlogu predlagatelja „PENGO“ Društvo za proizvodnju, prijevoz, trgovinu i usluge, d.o.o. Gornji Vakuf-Uskoplje, sa sjedištem u Gornji Vakuf – Uskoplje, Voljice-Vaganjac b.b., zastupan po punomoćniku Ljubi Tokić, iz Gornjeg Vakufa, za otvaranje stečajnog postupka nad navedenim društvom, izvan ročišta, dana, 22.10.2024.godine, donio je;*

### ***RJEŠENJE***

*I Pokreće se prethodni stečajni postupak radi utvrđivanja uslova za otvaranje stečajnog postupka, nad stečajnim dužnikom “PENGO“ d.o.o. Gornji Vakuf-Uskoplje Voljice-Vaganjac b.b.*

*II Za privremenog stečajnog upravitelja imenuje se Božana Bilandžija iz Jajca, Bašćeluci 19.*

*III Privremeni stečajni upravitelj, dužan je;*

- obezbjediti imovinu stečajnog dužnika i brinuti se o njoj,*
- ispitati da li imovina stečajnog dužnika može pokriti troškove stečajnog postupka i da li postoje razlozi i uslovi za otvaranje stečajnog postupka,*
- procijeniti da li se poslovanje stečajnog dužnika može u cjelini ili u pojedinim dijelovima nastaviti,*

- izvršiti pregled dužnikovih poslovnih prostorija, uvid u poslovne knjige i dokumentaciju dužnika,
- utvrditi da li je stečajni dužnik odnosno organ ovlašten za zastupanje podnio prijedlog za otvaranje stečajnog postupka u roku od 60 dana od dana nastupanja platežne nesposobnosti,

*IV Privremeni stečajni upravitelj je dužan podnijeti izvještaj ovom sudu o poduzetim radnja i zatečenom stanju u navedenom privrednom društvu, u roku od 30 dana, od dana donošenja ovog rješenja i dati svoje stručno mišljenje.*

*V Ovo Rješenje se dostavlja strankama, objavljuje na oglasnoj tabli suda, web stranici suda – elektronskoj tabli suda, Službenim novinama FBiH, na Internet stranici FIA-e, i registru Općinskog suda Travnik, radi upisa zabilježbe prethodnog stečajnog postupka u matičnom registarskom broju subjekta MBS 51-01-1013-09 (stari broj 1-3991).*

### **Obrazloženje**

*Predlagatelj „Pengo“ d.o.o. Gornji Vakuf-Uskoplje, je ovom sudu dana 22.04.2024.godine, podnio prijedlog za otvaranje likvidacionog postupka, koji prijedlog je podneskom od 30.05.2024.godine povukao, te naveo da se prijedlog ima smatrati prijedlogom za otvaranje stečajnog postupka. Uz označeni prijedlog dostavio je svu potrebnu dokumentaciju i to; Aktualni izvod iz sudskog registra Općinskog suda Travnik broj 051-0-RegZ-24-000046 od 15.01.2024.godine, Bilans stanja na dan 31.12.2023.godine, Bilans uspjeha za period od 01.01.2023.godine do 31.12.2023.godine, Potvrdu UniCredit bank br. SA-441/24 od 19.04.2024.godine kojom se potvrđuje da je račun društva blokiran od 15.04.2019.godine.*

*Sud je Rješenjem br. 51 0 L 222960 24 L od 14.06.2024.godine, utvrdio povlačenje prijedloga za otvaranje likvidacionog postupka, te je Rješenjem od 02.07.2024.godine, pozvao predlagatelja da predujmi iznos od 1.200,00 KM za pokriće troškova prethodnog stečajnog postupka. Nakon što je predlagatelj predujmio naprijed navedeni iznos, određeno je ročište u postupku saslušanja stečajnog dužnika za dan 21.10.2024.godine, na kojem ročištu je izvršio uvid u naprijed navedene isprave priložene uz prijedlog, saslušao punomoćnika zakonskog zastupnika koji je koji je nakon što je upozoren na posljedice davanja lažnog iskaza i upoznat sa odredbom članka 22. stavak 1. i 2. Zakona o stečaju, tj. na obvezu davanja potpunih i istinitih informacija na obvezu da doprinosi osiguranju stečajne mase, izjavio da društvo nema*

*nikakve pokretne niti nepokretne imovine, da društvo nije aktivno više od 10 godina, a da prema njegovom mišljenju ima obveza prema Kantonalnom poreznom uredu Novi Travnik.*

*Imajući u vidu naprijed izloženo, kao i činjenicu da sud na temelju podnesene dokumentacije nije u mogućnosti procijeniti postojanje svih neophodnih uslova koje Zakon predviđa za otvaranje stečajnog postupka, valjalo je odlučiti kao u izreci Rješenje sukladno članku 61., čl. 63. i čl. 66. Zakona o stečaju („Službene novine FBiH“ br. 53/21).*

**POUK**

**A;**

**Stečajni sudac:**

**Ivo Žabić**

*Protiv ovog Rješenja žalba nije dopuštena.*